



# ს ა ქ ა რ თ ვ ე ლ ო

## ქალაქ ქუთაისის მუნიციპალიტეტის საკრებულო

### დ ა დ გ ე ნ ი ლ ე ბ ა

№ 34

ქალაქი ქუთაისი 17 ივნისი 2022 წელი

საქართველოს კანონის „საქართველოს ადმინისტრაციულ სამართალდარღვევათა კოდექსი“ მუხლებით გათვალისწინებულ სამართალდარღვევაზე ადმინისტრაციულ სამართალდარღვევათა ოქმისა და საჯარიმო ქვითრის (ოქმის) ფორმების, მათი შედგენის, გამოყენებისა და აღრიცხვა-ანგარიშგების წესის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის მე-2 პუნქტის, „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტის, საქართველოს კანონის „საქართველოს ზოგადი ადმინისტრაციული კოდექსი“ 61-ე მუხლის, საქართველოს კანონის „საქართველოს ადმინისტრაციულ სამართალდარღვევათა კოდექსი“ 239-ე მუხლის, საქართველოს ორგანული კანონის „საქართველოს საარჩევნო კოდექსი“, საქართველოს კანონის „ნარჩენების მართვის კოდექსი“, „მკაცრი აღრიცხვის ფორმების შესახებ“ საქართველოს კანონის მე-8 მუხლისა და „მკაცრი აღრიცხვის ფორმების ნუსხის, მკაცრი აღრიცხვის ფორმების რეგისტრაციის წესისა და მკაცრი აღრიცხვის ფორმების რეგისტრაციის ჟურნალის ფორმის დამტკიცების თაობაზე“ საქართველოს ეკონომიკისა და მდგრადი განვითარების მინისტრის 2020 წლის 31 აგვისტოს №1-1/345 ბრძანების საფუძველზე, ქალაქ ქუთაისის მუნიციპალიტეტის საკრებულო ა დ გ ე ნ ს :

**მუხლი 1.** დამტკიცდეს ადმინისტრაციულ სამართალდარღვევათა ოქმის შედგენის, გამოყენებისა და აღრიცხვა - ანგარიშგების წესი №1 დანართის შესაბამისად.

(№1 დანართი დადგენილებას თან ერთვის)

**მუხლი 2.** დამტკიცდეს საჯარიმო ქვითრის (ოქმის) შედგენისა და გამოყენების წესი №2 დანართის შესაბამისად.

(№2 დანართი დადგენილებას თან ერთვის)

**მუხლი 3.** დამტკიცდეს ადმინისტრაციული სამართალდარღვევის ოქმი №3 დანართის შესაბამისად.

(№3 დანართი დადგენილებას თან ერთვის)

**მუხლი 4.** დამტკიცდეს საჯარიმო ქვითარი (ადმინისტრაციული სამართალდარღვევის ოქმი) N4 დანართის შესაბამისად.

(№4 დანართი დადგენილებას თან ერთვის)



**მუხლი 5.** დამტკიცდეს ადმინისტრაციული სამართალდარღვევის ოქმის, საჯარიმო ქვითრის (ოქმის) ფორმების აღრიცხვის ყურნალის ფორმა №5 დანართის შესაბამისად.

(№5 დანართი დადგენილებას თან ერთვის)

**მუხლი 6.** დამტკიცდეს გამოსაყენებლად უვარგისი ადმინისტრაციული სამართალდარღვევის ოქმის, საჯარიმო ქვითრის (ოქმის) ფორმების ჩამოწერის შესახებ აქტის ფორმა №6 დანართის შესაბამისად.

(№6 დანართი დადგენილებას თან ერთვის)

**მუხლი 7.** არასამეწარმეო (არაკომერციული) იურიდიულ პირს „ქუთაისის მუნიციპალურ ინსპექციას“ (ს/კ: 412767830) მიენიჭოს საქართველოს კანონის „საქართველოს ადმინისტრაციულ სამართალდარღვევათა კოდექსი“ 55<sup>5</sup>, 55<sup>6</sup>, 77<sup>1</sup>, 77<sup>2</sup> მუხლებით, 82<sup>5</sup> მუხლით (პლასტიკისა და ბიოდეგრადირებადი პარკების რეალიზაციის ნაწილში), 103-ე, 107<sup>4</sup> მუხლებით, 125-ე მუხლის მე-8, მე-12, მე-13, მე-14, მე-16 ნაწილებით, 134<sup>1</sup>, 135-ე, 135<sup>1</sup> და 146<sup>1</sup> მუხლებით, 148-ე მუხლის მე-3 და მე-4 ნაწილებით, 150-ე – 150<sup>1</sup> მუხლებით, 151-ე მუხლის მე-3 ნაწილით, 151<sup>2</sup> და 156<sup>1</sup> მუხლებით, 158<sup>5</sup> მუხლის პირველი და მე-2 ნაწილებით გათვალისწინებულ ადმინისტრაციულ სამართალდარღვევათა საქმეების განხილვის უფლებამოსილება.

**მუხლი 8.** არასამეწარმეო (არაკომერციული) იურიდიულ პირს „ქუთაისის მუნიციპალურ ინსპექციას“ (ს/კ: 412767830) 2022 წლის 31 დეკემბრიდან მიენიჭოს საქართველოს კანონის „საქართველოს ადმინისტრაციულ სამართალდარღვევათა კოდექსი“ 152<sup>5</sup>, 152<sup>6</sup>, 152<sup>7</sup>, 152<sup>8</sup> და 152<sup>9</sup> მუხლებით გათვალისწინებულ ადმინისტრაციულ სამართალდარღვევათა საქმეების განხილვის უფლებამოსილება.

**მუხლი 9.** შეზღუდული პასუხისმგებლობის საზოგადოება „პარკინგსერვის“ (ს/კ: 412711230) მიენიჭოს საქართველოს კანონის „საქართველოს ადმინისტრაციულ სამართალდარღვევათა კოდექსი“ 125-ე მუხლის მე-15 ნაწილითა და 125<sup>4</sup> მუხლით გათვალისწინებულ ადმინისტრაციულ სამართალდარღვევათა საქმეების განხილვის უფლებამოსილება.

**მუხლი 10.** შეზღუდული პასუხისმგებლობის საზოგადოება „ქუთაისის სატრანსპორტო კომპანიას“ (ს/კ: 412750713) მიენიჭოს საქართველოს კანონის „საქართველოს ადმინისტრაციულ სამართალდარღვევათა კოდექსი“ 130-ე მუხლის მე-4 ნაწილით გათვალისწინებული ადმინისტრაციული სამართალდარღვევის საქმის განხილვის უფლებამოსილება.

**მუხლი 11.** ქალაქ ქუთაისის მუნიციპალიტეტის მერიის პირველადი სტრუქტურული ერთეულის – სოციალურ საკითხთა სამსახურის მეორად სტრუქტურულ ერთეულს – ბავშვის უფლებების დაცვისა და მხარდაჭერის განყოფილებას მიენიჭოს საქართველოს კანონის „საქართველოს ადმინისტრაციულ სამართალდარღვევათა კოდექსი“ 46<sup>5</sup>, 46<sup>6</sup>, 172<sup>8</sup> და 172<sup>9</sup> მუხლებით გათვალისწინებულ ადმინისტრაციულ სამართალდარღვევათა საქმეების განხილვის უფლებამოსილება.

**მუხლი 12.** ძალადაკარგულად გამოცხადდეს „საქართველოს ადმინისტრაციულ სამართალდარღვევათა კოდექსის“, საქართველოს ორგანული კანონის „საქართველოს საარჩევნო კოდექსი“, საქართველოს კანონის „ნარჩენების მართვის კოდექსი“ მუხლებით გათვალისწინებულ სამართალდარღვევაზე ოქმის ფორმის, მისი შედგენის, გამოყენებისა და აღრიცხვა-ანგარიშგების წესის დამტკიცების შესახებ“ თვითმმართველი ქალაქის მერიის საკრებულოს 2009 წლის 25 ნოემბრის №254 დადგენილება.

**მუხლი 13.** დადგენილება ამოქმედდეს 2022 წლის 17 ივნისიდან.

საკრებულოს თავმჯდომარე

ირაკლი შენგელია

